

970.

1288 d. 9 Aug.

Nyköping.

Borgmästare och Råds i Wisby till Konungen i Sverige gifna förbindelse att i böter för den orolighet, hvilken de åstadkommit genom anläggning af fasta vallar kring staden och utfall mot landsfolket, erlægga 2000 mark lödige och 500 mark penningar, att aldrig sjelfve taga hämnd på allmogen, utan frambära till Konungen sina klagomål, att aldrig lyda någon annan Herre än Konungen i Sverige, att förmå Hansestäderna gå i borgen för deras trohet mot Sverige, att hos Påfven utverka bref om bannlysning öfver staden vid sjelfva gerningen, i fall den vidare förtörnade sin Konung, m. m

B. 2. 307, 308.

*De gotensibus.*

Omnibus presentes litteras inspecturis Aduocati & consules tam gotensium quam thewtonicorum & comunitas ciuium de visby salutem in domino Ad noticiam singulorum volumus deuenire quod quoniam contra dominum nostrum regem sweorum gothorumque deliquimus cui semper subiecti esse volumus in omnibus vt tenemur promittimus bona fide quod propter iniuriam quam sibi fecisse videmur ex eo videlicet quod muros ciuitati nostre circumdedimus & in rurenses terre gotlandie propulsando aliquos strepitus fecimus insultus, irrequisita regia maiestate duo millia marcarum puri & examinati argenti gotensis ponderis cum quingentis marcis argenti vsualis monete sine contradictione & reclamacione qualibet terminis inferius annotatis sibi plenarie persoluemus jta videlicet quod quingentas marchas argenti vsualis monete in autumpno iam instanti & quingentas marchas puri & examinati argenti quindena post festum penthecostes & mille quingentas marcas puri & examinati argenti in festo beati iohannis baptiste anni tunc proximo subsequens quam pecuniam statutis terminis & temporibus calmariam apportabimus in propriis periculis & expensis, eandem aduocato eiusdem domini nostri regis uel suorum heredum ibidem tunc existenti integraliter commissuri Preterea promittimus quod si aliqua discordia casu sinistro inter nos & gotenens terre gotlandie exorta fuerit ipsam si bono modo poterimus sedabimus per nos & si hoc bono modo fieri non poterit antequam dominum nostrum regem super hac requisierimus ad vindictam aliquam contra eos non procedemus nisi ipsi in nos jta subito irruerint quod vim vi repellere compellamur Eciam si prefati gotenenses nuncios suos ad dominum nostrum regem destinare voluerint, ipsos impedire nullatenus presumemus Promittimus insuper bona fide quod nullum preter regem swecie qui pro tempore fuerit vnquam eligemus Et si contigerit prefatos gotenenses aliquem extraneum sibi in principem aut dominum eligere uel in preiudicium dicti domini nostri regis uel nostrum ausu temerario advocare portas ciuitatis nostre domino nostro regi seu quibuscumque fidelibus nunciis suis ad hoc specialiter deputatis liberaliter apperiemus &

fideliter astabimus pro posse nostro ad talem extraneum dominum ab eisdem rurensibus introductum cum suis fautoribus & complicibus expellendum Si vero sepedicti gotenenses eundem dominum nostrum in iure suo ausu temerario perturbare presumpserint, uel in aliquo rebelles extiterint Nos per litteras eiusdem domini nostri moniti nuncios suos siquos ad nos destinandos duxerit honestiori modo quo poterimus colligemus iuuando ipsos infra muros ciuitatis nostre consiliis & auxiliis quibus poterimus pro iusticia ab eisdem rurensibus extorquenda Jtem si aliquos de regno swecie ad ciuitatem nostram declinare contigerit quos manifestum & notorium est regiam maiestatem offendisse & si litteras a domino nostro rege super hoc receperimus illos si infra mensem per nos moniti recedere noluerint, & gratiam regiam non rehabuerint, extunc a ciuitate nostra totis nisibus expellemus Procurabimus eciam a ciuitatibus lybeke wismere rostok gripowald stralesundh & righa litteras fideiussorias continentes quod si aliquem extraneum principem seu dominum preter regem Swecie eligere presumpserimus uel premissa fideliter non seruauerimus dicte ciuitates ipsum dominum nostrum regem Swecie contra nos ad destructionem nostram totis uiribus adiuuabunt Procurabimus insuper in expensis propriis litteras a sede apostolica in quibus continebitur quod si sepedictum dominum nostrum regem Swecie in premissis offenderimus ipso facto si legaliter conuicti fuerimus excommunicationis sententiam incurramus nihilominus iuridicioni nos dominj lincopensis supponentes vt si in huiusmodi deliquerimus plenariam auctoritatem habeat in nos excommunicationis sententiam promulgandi Si eciam sepedicto domino nostro swecie placuerit ad nos venire ciuitatem nostram ac terram gotlandensem gracia visitandi ipsum sicut uero domino recipi & honorari debet & tenetur cum debita humilitate & reuerencia recipere curabimus & sicut maiestatem decet regiam in omnibus pertractare Promittimus eciam fide firmissima quod si vmquam inuenti fuerimus in premissis seu in aliquo premissorum deliquisse pene decem millium marcarum puri & examinati argenti nos subicimus per presentes summam pecunie ipsi dilectissimo regi nostro soluturi pro sue libito voluntatis Ne igitur in premissis omnibus quempiam de cetero vacillare contingat, Sigilla nostra huic scripto ad euidentiam plenioram duximus supponenda Datum nycopie anno dominj M°.CC°.LXXX VIII jn vigilia sancti laurencii martiris.

*Derefter är tillagdt: Littera principalis est in Ecclesia Lincopensi.*